

To'on yó'o kían ni taa San Pablo ni sa'an noó na ñoo Colosas

Ká'an Pablo ndisá'an

1 ¹ Yu'u kúu Pablo, ta kúu iin apóstol, na né'e to'on Jesucristo táto'on ki'o kóni mií Ndios. Ta yu'u xí'ín ñani yo Timoteo ká'an ndu ndisá'an xí'ín ndo'ó, ² na kúu ñayuu Ndios, ndo'ó, na ndíta ndaa xí'ín Cristo, ndo'ó na kúu ñani ndu ndéi ñoo Colosas xa'an. Ta mií tatá yo Ndios xí'ín sato'o yo Jesucristo ná kee na ña maní xí'ín ndó, ta nakí'o na ña koo va'a ini ndo.

Xíka Pablo noo Ndios sa'a na ndéi ñoo Colosas, dá ni'i ná ña ndichí noo Ndios

³ Daá kuití xíka ndu ña maní noo Ndios, na kúu tatá sato'o yo Jesucristo, sa'a ndo'ó, ta daá náki'o ndu ndivé'e noo ná sa'a ndo, ⁴ dá chi ni ni'i tó'on ndu ña kándéé ká'ano iní ndo Cristo Jesús, ta kú'u nda'o ini ndo sa'a ndidaá ka na kúu ñayuu Ndios. ⁵ Dión kée ndó sa'a ña ió tandeé iní natiin ndó ña va'a, tá'an ña sa ió nduu natiin ndó induú. Ta kómí ndó tandeé iní yó'o ni kee to'on va'a sa'a Jesús, ña ni seídó'o ndó. Ta ndino'o to'on ndaa kíán. ⁶ Ta ni kasandaá to'on va'a yó'o noo ndo'ó táto'on ki'o ni kasanda'an iin ní kúu ñayuu yó'o, ta xí'oan ña va'a noo ndo, ta xí'oan ña sá'ano cháa ka ndo'ó íchi Ndios. Ta dión ní ndó'o ndó nda mií kuu ni seídó'o ndoan, ta ni kandaá ndisa ini ndo sa'a ña maní ni kee Ndios sa'a ndo. ⁷ Ta ñani maní ndú Epafras kúu na ni daná'a to'on va'a yó'o noo ndo. Na yó'o kúu iin na kéchóon dáó xí'ín ndú, ta kúu ná iin na kéchóon ndaa noo Cristo tein mií ndó xa'an. ⁸ Ta mií ná ni nakani xí'ín ndu'u táto'on ki'o kú'u ini ndo sa'a ndidaá ka na kúu kuendá Jesús kée Espíritu i Ndios.

⁹ Sa'a ñoo, tá ni kasto'on na xí'ín ndú sa'a ña kée ndó, nda daá, ta nda viti ko sá tuu ndu ña xíka ndu ña maní noo Ndios sa'a ndo. Ta xíka ndu noo ná ña ná ki'o na ña kandaá ndi'i ini ndo ndí kíán kóni mií ná, chi kóni ndu ña kíán ki'o na kúu Espíritu i ndidaá ña ndichí noo ndo, ta ki'o ta'ani na ña kaon koo ñaxintóni ndo noó ña'a mií ná, ¹⁰ dá katí'a ndó kee ndó táto'on ki'o kánian kee na kúu kuendá sato'o yo Jesús, ta kee ndó ndidaá ña náta'an ini na, ta koo ña va'a noo ndidaá ña kée ndó, ta kasandaá ndo kana'a va'a cháa ka ndo Ndios. ¹¹ Ta xíka ta'ani ndu noo ná ña ná ki'o na ndée noo ndo táto'on ki'o ndato ndée kómí mií ná, dá koni ndo koo kueé iní ndo, ta koni ta'ani ndó koo ndeé iní ndo noo ndidaá ña ndó'o ndó, ¹² ta xí'an kadii ini ndo ná nakí'o ndó ndivé'e noo tatá yo Ndios, na ni kenduu ña natiin yó ña kánian natiin ndidaá ñayuu na, chi ni ni'i yo ña kandeí yó noo ndato tóon. ¹³ Chi ni taó xóo na yó

tixi ndá'a ña kini noo íin naá, ta ni naki'o na yó noo ndá'a de'e mani míí ná, dá dándáki na yó,¹⁴ ta na yó'o kúú na ni taó xóo na yó tixi ndá'a ña kini xí'ín ni míí ná, dá ni kuu ni xi'o ká'ano ini Ndios sa'a kuachi yó.

Ndéi va'a yó xí'ín Ndios sa'á ña ni xi'i Cristo Jesús sa'a yo

¹⁵ Táto'on ki'o kúú míí Ndios, na o kúú ta'on koni xí'ín noo yo, ki'o dión kúú Cristo, ta noón kúú na míí noo, dá ni kava'a ndidaá ña ió. ¹⁶ Dá chi xí'ín ndá'a míí ná ni kava'a ndidaá ña'a, á mián ñó'an induú, o noño'o yó'o, á mián túuan o ko túuan, á mián kían ña dándáki, o mián kían ña kómí choon, o mián kían ña ió choon noo ndá'a, o mián kían ña ndakí. Tído míí vá ná ni kava'a ndidaá ña, ta sa'a míí vá ná ni kava'an. ¹⁷ Ta sa daá ió va míí ná, dá ni kava'a ndidaá ña'a ió. Ta xí'ín ndéi míí ná ndaá na ndidaá ña'a, dá ko nátanian. ¹⁸ Ta míí Cristo kúú diní noo ndidaá yóo, na kúú táto'on yikí koño na, chi kúú yó kuendá na. Ta míí ná kúú na kúú noo noo ndidaá ña'a. Ta míí ná ni sa kuu na míí noo ni nataki iin ndéi tein na ni xi'i, dá kakuu na na kómí choon sata ndidaá ña'a. ¹⁹ Dá chi ni nata'an ini míí tatá Ndios ña táto'on ki'o kúú míí ná, ki'o dión kúú Jesús. ²⁰ Sa'a míí Jesús ko'on Ndios naki'in tá'an va'a na xí'ín ndidaá ña'a, á mián ndéi noño'o yó'o o mián ñó'o induú, chi ndidaá ña yó'o ni nandei va'a xí'ín ná sa'á ni Jesús, kirá ni xita tá ni xi'i na ndika cruz.

²¹ Tá sata, ñayuu tukú ta'ani sa kuu ndó noo Ndios, ta sa xini u'u ndo ná, chi sa komí ndó iin ñaxintóni kini, ta sa kee ndó ña kini. Tído viti ni sa'an Cristo ni danáki'in tá'an va'a na ndo'ó xí'ín Ndios, ²² chi ni xi'o na míí ná ni xi'i na sa'a ndo, dá kuu naki'o na ndo'ó noo Ndios kakuu ndó ñayuu ndáa vii, ñayuu ndaa, ñayuu koó kuachi noo ná. ²³ Tído kánian kandita ndaa ndo xí'ín ña ndaa kándisa yó, ta kuita toon ndó xí'án, ta ndiko toon ndó tandéé iní xí'o to'on va'a sa'a Jesús noo ndo, tá'an ña ni séidó'o ndó. Ta iin ní kúú ñayuú yó'o náka'ani to'on va'a yó'o kua'an. Ta yu'u Pablo kúú iin ra ni kaxi Ndios kasto'on to'on yó'o xí'ín ñayuu.

Ni xi'o Ndios choon noo Pablo ña kane'e na to'on va'a sa'a Jesús noo ñayuu

²⁴ Ta viti kádij ini, chi ndó'o nímaí sa'a ndo'ó, ta xí'ín ña ndó'o ní yikí koñoi, dión, dá dáxinkooi ña ni ndo'o Cristo sa'á na kúú kuendá míí ná, ñayuu kúú táto'on yikí koño na. ²⁵ Ta ni kaxi Ndios yu'u ña kechóoin noo ñayuu míí ná, ta míí ná ni xi'o choon nooí ña dána'a ndi'ii to'on na noo ndo. ²⁶ Ta ña yó'o kúú ña ndichí ni sa io de'é noo míí Ndios nda rá o ná'a kava'a ñayuú yó'o. Tído viti ni na'a na ña noo ñayuu míí ná. ²⁷ Ta ni chikaa ini míí ná na'a naán noo na ko kúú na Israel ndi ki'o ká'ano kúú ña ndichí ndato yó'o. Ta ña ndichí yó'o kúú ña ió Cristo Jesús ini ndo, sa'á ñoó ió tandéé iní ña kandeí ndó noo ndato náye'e ndaa noo ió na. ²⁸ Sa'á ñoó kasto'on ndu xí'ín ndidaá ñayuu sa'a Cristo Jesús, ta

ká'an ni'ini ndu noo ná, ta dána'a ndu noo ná xí'ín ña ndichí ni xí'o Ndios noo ndú, dá koni ndu nakí'o ndu ndidaá ñayuu kakuu na ñayuu ndáa vii noo Ndios sa'á ña ni kee Cristo Jesús. ²⁹ Sa'á ña yó'o ta'ani ndí'i inií kéchóoin xí'ín ndée ni xí'o mií ná nooí, ta ndée yó'o kédaa xí'ín, dá kandeéi kee choon ni xí'o na nooí.

2 ¹ Kónii ña kana'á ndó ña ndí'i nda'o inií kéchóoin sa'a ndo, xí'ín sa'á na ndéi ñoo Laodicea xí'ín sa'a ndidaá ka na ko ñá'a koni tá'an xí'ín yu'u. ² Dión kéei, dá natiin ndó tandeé iní, ta iin ná kakuu ndó sa'á ña kú'u sátá'an ini ndo sa'a ndo, ta ná kandeé ta'ani ndó ni'i ndo ña kandaa ini ndo ndidaá ña ndichí xí'o Ndios, dá koni ndo kana'á ndó ña ndichí, ña ni sa io de'é noo tatá Ndios, ta ña ndichí yó'o kúu Cristo Jesús. ³ Ta noo ndá'a mií Cristo ndadí va'a ndidaá kúu ña ndichí xí'ín ndidaá ña ndaa. ⁴ Ká'in ña yó'o xí'ín ndó, dá kían ná dá'a ni dándá'í ni iin tó'on ñayuu ndo'ó xí'ín to'on mañá luu kua'an, ⁵ dá chi va'ará ko ió'i xí'ín ndó, tído kee ndó kuendá ña ió'i xí'ín ndó, chi daá ñó'o inií sa'a ndo, ta kádií nda'o inií sa'á ña luu ndéi ndó, ta kádií inií sa'á ña ndíta toon ndó xí'ín ña kándéé iní ndo Cristo Jesús.

⁶ Ta viti, táto'on ndino'o ini ndo ni natiin ndó Jesucristo, na kúu sato'o yo, ki'o dión ndino'o ini ndo kanoo ndó xí'ín ná. ⁷ Sa'á ñoo koo ini ndo tiin toon ndó na, ta ndiko toon ndó na, ta kandita toon ndó xí'ín ña ndaa kándísa yó táto'on ni daná'a na noo ndo, ta daá kuití nakí'o ndó ndivé'e noo Ndios.

Ni dandóo Ndios ndidaá kúu kuachi yo sa'á ña ni kee Jesús sa'a yo

⁸ Kandaa ndo mií ndó, o sa kónó ndó dándá'í ñaá ni iin tó'on ñayuu xí'ín ña ndichí ko ndáya'i dána'a mií ná, ni xí'ín ña to'on dána'a na, chi ini ñaxintóni mií vá taa ni ndaki ña, chi dána'a na sava'a sa'á ña dándáki ñayuu ndéi ñayuu yó'o, ta ko kían ña ndichí ni kii noo Cristo. ⁹ Dá chi táto'on ki'o kúu mií Ndios, ki'o dión kúu Cristo, ta ni nduu na iin taa ñayuu yó'o. ¹⁰ Ta sa'á ña ndíta yó xí'ín Cristo, sa'á ñoo ni ña'a ko kómani noo yo, dá kee yó ña kóni Ndios, dá chi mií ná kúu na ndakí cháa ka o duú ndidaá tá'an ña kómí choon xí'ín ña dándáki noo táchi káa. ¹¹ Ta sa'á ña ndíta ndó xí'ín Cristo, sa'á ñoo kían táto'on ni ta'anda ñíi ndo noo Ndios, va'ará ko ní ta'anda ndisa ñíi ndo xí'ín ndá'a taa táto'on ki'o kée ta Israel. Tído, sa'á ña ni taó xóo na ndo tixi ndá'a kuachi, sa'á ñoo kían táto'on ni ta'anda ñíi ndo noo Ndios sa'á ña kándísa ndó Cristo. ¹² Chi tá ni sodo ndúta ndo kían táto'on ni nduxi nduú ndo xí'ín Jesús noo Ndios. Ta ni natakí nduú ndo xí'ín ná sa'á ña kándéé iní ndo ndée Ndios, tá'an ña ni danátaki Jesús tein na ni xi'i. ¹³ Dá chi tá sata ni sa kuu ndó ndii noo Ndios sa'á ña ni sa ño'o ndó tixi ndá'a kuachi, ta ko ní sá kuu ndó na ñoo Ndios sa'á ña ko ní ta'anda ñíi ndo. Tído ni danátaki ñaá Ndios táto'on ni kee na xí'ín Jesús, ta ni xí'o ká'ano ini na sa'á kuachi ndó. ¹⁴ Chi ni dandóo na ndidaá ña sa tái yo

kaá ley, tá'an ña sa datái kuachi yó sa'á ña ko ní kée ndi'i yó choon sa'ándáan. Tído ni dandóo na ña sa táí yo, chí kián táto'on ni chirkaa naan ndika cruz. ¹⁵ Ta ki'o dión ni ditá ná ndidaá choon né'e ña kómí choon xí'ín choon né'e ña dándáki noo táchi káa, ta ni kenóo túu naan, chí sa'á ña ni kee Cristo ndika cruz, sa'á ñoó ni kandeé ná xí'án.

Diin va kée yó viti sa'á ña kúú yó kuendá Jesús

¹⁶ Sa'á ñoó o sa kékuendá ndo tá kana'á ñayuu xí'ín ndó sa'á ña seí ndo, o sa'á ña xí'i ndó, o sa'á ña ko kéká'ano ndó dao víko, o sa'á ña ko kéká'ano ndó yo sáa o sa'á ña ko kée ndó táto'on kée mií ná kuu nani'i ndée ná. ¹⁷ Dá chí ndidaá ña yó'o kúú konda'i iin ña'a vei koo, tído tá ni kii Cristo, dá ni naní'i yo ña mií ná kúú na ndaa noo ndidaá ña yó'o.

¹⁸ O sa kónó ndó noo ni iin taa ña dátuu rá ndo'ó noó ña kánian ni'i ndo, chí kée ra mií rá ña ió nda'í ini ra, ta kéká'ano ra ángel, ta kuiin toon ra ká'an ra sa'á ña xiní ra chí induú. Ta kúú rá taa kúryíí nda'o sa'á ña kómí rá iin ñaxintóni kini. ¹⁹ Ta ko ndíko ra Cristo, na kúú dini noo yo. Ta mií Cristo kúú na dákuá'ano ñaá táto'on ki'o dákuá'ano dini yo yikí koño yo, tá'an ña tiiin tá'an kée tuchi, ta mií Ndios kúú na dákuá'ano ñaá xí'ín ña kándée ini yo ná.

²⁰ Ta sa'á ña ni xi'i nduú ndo xí'ín Cristo, sa'á ñoó ko ñó'o ka ndo tixi ndá'a ña dándáki ñayuu yó'o. Sa'á ñoó, ¿ndiva'a nákaní ií ini ndo táto'on nákaní ini taa ñayuu, ta kée ií ndo choon sa'ándá ra? ²¹ Chí kaá ra ña o kúu ta'on kako'on ndá'a ndo ña yó'o, ta o kúu katoó ndo keí ndo ña káa, ta o sa kóo ini ndo tiin ndá'a ndó ña xaan, kaá ra. ²² Ta ndidaá choon yó'o kúú choon sa'ándá taa, ta ña dána'a mií vá rá kián, tído kasandaá ndi'i va sa'án, chí ña ko chóon kián. ²³ Ta ká'án ñayuu ña choon yó'o ni kixian noo iin ñaxintóni ndichí, dá chí ká'an ndi kánian kee ñayuu kandaño'o na Ndios, ta kéndusaan xí'ín ñayuu ña nda'í koo ini na, ta mií ña dándó'o na níyo ná, dá kandeé ná kee na ña. Tído o chindeéan yó, dá dánkoo yó ña kini kóni ñíi yo.

3 ¹ Ta sa'á ña ni nataki nduú ndo xí'ín Cristo tá ni kandísa ndó na, sa'á ñoó ndi'i ini ndo sa'á ña ió induú, ña vei noo ió Cristo xoo kuá'a Ndios. ² Ta koo ini ndo ndi'i ini ndo sa'á ña ió induú, ta ná dá'a ni ndi'i ini ndo sa'á ña'a ió ñayuu yó'o. ³ Chí sa ni xi'i ndo noó ña kóni mií ndó, ta viti ió de'le táto'on ki'o koo ndó kandeí ndó kée Ndios táto'on ndó'o Cristo. ⁴ Tído tá ná nandió koo Cristo, na xí'o ña kataki yo, dá natuu ndó ndáa ndó táto'on ki'o ndato náye'e ndaa káa mií ná.

Ni sa kee yó ña kini tá sata, tído viti sa ni nduu yó ñayuu saá

⁵ Sa'á ñoó ná dá'a ka ni kataki ndo noó ña ka'an noo kóni ñíi ndo: o sa kée ndó kuachi xí'ín na ko kúú ñadi'í ndo o yíi ndo, ná dá'a ni kee ndó ña tikini xí'ín ñíi ndo, ná dá'a ni kaño'o ini ndo sa'á ña ka'an noo kóni ñíi ndo, ná dá'a ni katoó ndo kee ndó ña ka'an noo, ta ná dá'a ni katoó

téi ndo di'ón, dá chi tá kée ndó dión, dá kían kana'á ndó ña ndáño'o ndóan. ⁶ Ta ndidaá ña kini yó'o xído ini Ndios xiní na, sa'á ñoó vei na dándó'o na nío na ko xiín kueídó'o choon sa'ándá na. ⁷ Ta sa xionoo ndó sa kee ndó ndidaá ña kini yó'o tá sa na'á tá sa dandákian ndo'ó.

⁸ Tído viti kua'an ndo dánkoo ndi'i ndó ña xído ini ndo xí'ín ña yachi xído ini ndo, xí'ín ña xiní u'u ndo ñani tá'an ndó, xí'ín ña ká'an ndava'a ndó sa'a ná, xí'ín to'on kini kua'an ká'an ndo. ⁹ Ta o sa koo ka ini ndo ka'an to'ón sa'a sátá'an ndó, dá chi sa ni dánkoo ndó ñayuu yátá ni sa kuu ndó, ta ko kée ka ndo ña sa kee ndó tá sata. ¹⁰ Chi viti ni nduu ndó ñayuu saá, ta iin rá iin kuu kuu sa ndúsaá cháá ka ndo kua'an ndo kee ndó táto'on ki'o kóni Ndios, na ni kava'a ña, dión, dá kasandaá ndo kakomí ndó ñaxintóni Ndios. ¹¹ Ta ko né'e tandíni viti á kúú yó na griego o na Israel, o á ni ta'anda ñii yo o koó, o á kúú yó na tukú o á kúú yó na koó ñaxintóni, o á kúú yó na ió sato'o o koó. Ko né'e tandíni ndá yoo kúú yó, dá chi iin tó'ón míí vá Cristo kúú na kómí choon sata ndidaá ña'a, ta kómí ná kuendá sa'a ndidaá ñayuu.

¹² Kúú ndó ñayuu ni kaxi mií Ndios, ta kúú ndó ñayuu na, ta kú'u ini na sa'a ndo. Sa'á ñoó koo ini ndo ku'u ini ndo sa'a dao ka ñayuu, ta va'a koo ini ndo, ta nda'í koo ini ndo, ta vitá koo ini ndo, ta kueé ni koo ini ndo. ¹³ Ta ki'o ndeé iní sa'a sátá'an ndó, ta ki'o ká'ano ini ndo sa'a iin rá iin ndó tá ndaa ña'a ni ya'a na noo ndo. Ta táto'on ki'o ni xi'o ká'ano ini Cristo sa'a ndo, ki'o dión ta'ani koo ini ndo kee ndó xí'ín iin rá iin ndó. ¹⁴ Tído ña ndaya'i cháá ka noo ndidaá ña yó'o kían ku'u ini sa'a sátá'an ndó, dá chi sava'a ña yó'o kían kedaá xí'ín ndó, dá iin kakuu ndó. ¹⁵ Ta ná ki'o Ndios ña koo va'a ini ndo, chi sa'á ña yó'o ni nakana na ndo'ó ña kakuu ndó iin tó'ón. Ta daá kuití naki'o ndó ndivé'e noo ná. ¹⁶ Ta ná nakutí nío ndo xí'ín to'on va'a sa'a Cristo Jesús, dá kuu dána'a tá'an ndó noo ndo, ta kuu ka'an ni'ini noo sátá'an ndó xí'ín ña ndichí xí'o Ndios. Ta kata ndó xí'ín ndino'o ini ndo noo sato'o yo Ndios xí'ín salmo xí'ín yaa ii, xí'ín yaa xí'o Espíritu ii Ndios noo ndo. Ta xí'ín ña yó'o naki'o ndó ndivé'e noo ná. ¹⁷ Ta noo ndidaá to'on ká'an ndo, ta noo ndidaá ña kée ndó, kee ndóan táto'on ki'o kóni Jesús, na kuu sato'o yo, ta noo ndidaá ña'a naki'o ndó ndivé'e noo tatá Ndios sa'á Jesús.

Ki'o di'a kánian kee yó sa'á ña kúú yó kuendá Jesús

¹⁸ Ta ndo'ó, na ñá'a xaan, koo ini ndo kueídó'o ndó yíi ndo, chi ki'o dión kánian kee ndó sa'á ña kúú ndó kuendá Jesús, na kúú sato'o yo.

¹⁹ Ta ndo'ó, ta ta xaan, koo ini ndo koni ndo ñadi'í ndo, ta o sa kéndava'a ndó xí'ín ná. ²⁰ Ta ndo'ó, takuáchí yíi xí'ín takuáchí di'í, koo ini ndo kueídó'o ndó tatá ndo xí'ín naná ndo, dá chi ña yó'o kían náta'an ini sato'o yo Jesús xiní na. ²¹ Ta ndo'ó, na kúú tatá xí'ín naná, o sa koo ini ndo tóo tóo dánani ndó de'e ndó, dá kían ná dá'a ni kutúú ini xi. ²² Ta ndo'ó, na ñó'o tixi ndá'a iin sato'o, kueídó'o ndó ndidaá choon

sa'ándá rā noo ndo. Kechóon va'a ndó, va'ará kō iin ndé'é, ta ná dá'a ni kee ndó tát'on kée nā ndúkú ñā nata'an ini taa koni ñāá rá. Di'a kee ndóan xí'in ndino'o ini ndo, xí'in sa'á ñā ió ñāñ'ó'ó ndó noo Ndios. ²³ Ta ndí ndáa mií vá ñā'a kée ndó, ndino'o ini ndo kee ndóan. Ta kee ndó kuendá ñā noo míí vá Ndios kée ndóan, ta o duú noó taa ñayuu yó'o, ²⁴ dá chí sa ná'á vá mií ndó ñā natiin ndó ñā va'a noo tatá yo Ndios sa'á ñā kéchóon ndó noo iin tó'on Cristo, nā kúú sato'o yo. ²⁵ Tído nā kée ñā kini, noón kúú nā ni'í ya'i na sa'á ñā kini ni kee na, dá chí ni iin tó'on ñayuu kō mání cháá ká noo Ndios.

4 ¹ Ta ndo'ó, nā kúú sato'o viti, kendaā ndo xí'in nā ñó'o tixi ndá'a ndo, ta kendúsá'ano ndó xí'in ná. Ta kana'á ndó ñā ñó'o ta'ani ndó tixi ndá'a iin sato'o ió induú, ta ndé'é ná ndo'ó.

² Ta o sa kátuu ndó ka'an ndo xí'in Ndios, ta daá kaño'o ini ndo noo ká'an ndo xí'in ná, ta nakí'o ndó ndivé'e noo ná. ³ Ta kaka ta'ani ndó ñā maní noo sato'o yo Ndios sa'a ndú'u, dá ná konó ná iin íchí noo ndú'u, dá ná kuu dána'a ndu to'on na noo dao ká ñayuu, dá ná kana'á ná ñā ndichí sa'a Jesús, ñā kían ni sa io de'é. Ta sa'á ñā dána'i to'on yó'o, sa'á ñóó nákaají ve'e kaa. ⁴ Kaka ndo ñā maní noo Ndios sa'a yú'u, dá ná kati'ai kasto'on ndaají ndi dándáki to'on yó'o tát'on kí'o kánian keei.

⁵ Ta ndúsá'ano kee ndó noó ñayuu kō kúú kuendá Jesús, ta daá kuití koo nduu ndo ka'an ndo xí'in ná sa'a Jesús iin rá iin ta'ándá nónó noo ndo. ⁶ Ta koo ini ndo va'a ka'an ndo xí'in ná, ta to'on adi ka'an ndo xí'in ná, ta tì'a kánian koo ndó, dá kandeé ndó nandió né'e va'a ndó ñā ndátó'on ná ndo'ó.

Xí'in ndisá'an yó'o dándí'i Pablo ñā ká'an na

⁷ Ta nakani Tíquico xí'in ndó sa'a ndidaá ñā ndó'o yu'u tá ná saa rā noo ndéi ndó. Roón kúú iin ñani maní yo, ta iin toon ra chindeé tá'an ra xí'in yu'u kéchóoin noo sato'o yo Jesús. ⁸ Chí ni tanda'í rā kosaa rā noo ndo sa'a choon yó'o, dá nakani ra xí'in ndó ndi ndó'o ndu, dá ná kí'o ta'ani ra tandéé iní noo ndo. ⁹ Ta saa nduú rā xí'in ñani maní yo Onésimo, rā iin toon xí'in to'on Ndios, ta kúú rá iin taa ñoo mií ndó xaan. Ta nakani ra xí'in ndó sa'a ndidaá ñā kúú chí yó'o.

¹⁰ Ta ká'an Aristarco, rā nákaa nduú xí'in ve'e kaa, ndisá'an xí'in ndó. Ta dión ni Marcos, rā kúú daxí Bernabé, ká'an ta'ani ra ndisá'an xí'in ndó. Ta sa ná'á vá míí ndó ñā ni sa'andají choon ñā natiin va'a ndó rā tá ná saa rā noo ndéi ndó. ¹¹ Ta ká'an ta'ani Jesús, taa chínaní ná Justo, ndisá'an xí'in ndó. Sava'a ndin oní taa yó'o va kúú tã Israel chindeé tá'an xí'in yu'u dána'a ndu noó ñayuu ndi kee na ndu'u na tixi ndá'a Ndios. Ta taa yó'o kúú tandéé iní noo yú'u.

¹² Dión ni Epafras, taa ñoo mií ndó, ká'an rā ndisá'an xí'in ndó, ta kéchóon ra noo Cristo. Ta daá kuití ndí'i ini rā seí nda'í rā noo Ndios sa'a ndo, dá kandita toon ndó íchí Ndios, dá xinkuei ndó koo ndó

táto'on k̄i'o kóni Ndios, ta kasandaá ndo kee ndó ndidaá ña kóni mií ná.

¹³ Ta x̄i'o yu'u kuendá ña miían ndaa ndí'i nda'o ini Epafras yó'o sa'a ndo, x̄i'ín sa'a ná ndéi ñoo Laodicea x̄i'ín sa'a ná ndéi ñoo Hierápolis.

¹⁴ Ta ká'an ta'ani ñani man̄i yō Lucas, ta ketátá ñayuu, ndisá'an x̄i'ín ndó. Ta ká'an ta'ani ñani yō Demas ndisá'an x̄i'ín ndó.

¹⁵ Kee ndó ña man̄i ka'an ndo ndisá'an x̄i'ín ná kúú kuendá Jesús ndéi ñoo Laodicea, ta ka'an ta'ani ndó ndisá'an x̄i'ín Ninfas, x̄i'ín ndidaá ka ná kúú kuendá Jesús nátaaka dákuá'a ve'e na.

¹⁶ Tá ni ndi'i ni ka'i ndó tuti yó'o tein mií ndó xaan, dá tanda'á ndoan ná ko'an noó ná kúú kuendá Jesús ndéi ñoo Laodicea, dá ná ka'i ta'ani naan. Ta ka'i ta'ani ndó tuti ni tanda'á ndú kua'an noó ná ñoo Laodicea.

¹⁷ Ta kee ndó ña man̄i ka'an ndo x̄i'ín Arquipo, kaá yu'u, ña kían ná koo ini ra dáxinkoo ra choon ni x̄i'o sato'o yō Ndios noo rá.

¹⁸ Ta x̄i'ín ndá'a míi yu'u, Pablo, táai ndisá'an yó'o kosaa noo ndo. O sa nándodó ndo ña nákaai ve'e kaa.

Ná koo ña man̄i x̄i'o Ndios x̄i'ín ndidaá ní ndó. Díon ná koo.